

Icungulo/Ubushiku bwa Mapepo

Tontonkanyeni pa kukwata amapepo ya kucsha ubushiku bonse nga ulubali lwa Nshiku Ikumi isha Mapepo. Pamo nge fi: Limbi kuti mwatendeka pa 18:00 hrs (6:00 p.m.) no kupwisha pa 06:00 hrs (6:00 a.m.). Saleni ubutantiko ubwingawamina ibumba lyenu.

Cinshi Kwabela Ukucsha mu Mapepo?

Tamwaba ica “mushilo” mu kufufya utulo no kupepa bushiku bonse. Nangu cibe fyo, ukwila kwa bushiku limbi kuti yaba e nshita isuma fye ilyo abantu bashili abapamfiwa nangu abakucitile fintu mu kupupumina. Twasumina ukuti umulimo wenu wiba wa kucsha fye, sasu; lelo ube wa kupepa fye mu kutantalisha ukufika apo mwingamwena mpaka mwapwisha ifyo mulepepelapo.

Tuleipusha ukuleka abantu abengi batungululeko mu nshita ya bushiku. Shininkisheni ukuti mulekwata utushita twa kutushako. Imwe nge ntungulushi, kuti mwamona ifyo ifintu fili no kwishiba ilyo mwingatushako panono ilyo mulelolēla ukwingila mu cipande na cimbi ica mapepo. Kuti mwasanshamo no kubelenga kwa malembo ya mu Cipingo mukati ka nshita ya mapepo. Nga mulefwaya kuti mwapwisha fyonse ifii mu butantiko nangu ukusalapo fye fimo, ukulinga ne cingawamina ibumba lyenu. Mube fye abantungwa ukupilibulamo fimo.

Icilangililo ca Butantiko bwa Mapepo ya Bushiku

Tendekeni ne cipande ca kulumbanya. Lumbanyeni Lesa mu mapo yenu elyo na mu nyimbo.

Buleni akashita ka kuyebelela, ukushininkisha ukuti kwiba nelyo cimo icingalesha Lesa ukukumfwa. Peleni abantu akashita ka kuyebelela mu nkāma elyo ne nshita ya kuyebelela nge bumba. Koselesheni abantu ukuyebelela pa membu sha mu nkāma pambali no kuyebelela isha pa lwalāla sheka pa lwalāla. Muli Daniele 9:1-19 tubelenga pali Daniele, uwa papātileko (abantu) no kutumbula imembu sha bantu ba kwa Lesa pa lwalāla.

Pepeleni pa fya kukabila kwa bantu abali mu kulongana kwa mapepo. Abantu abengi bali abācenwa nangu bali mu bukabilo bwe pepo, nangu nabeshibako umuntu umbi uulekabila ipepo nganshi. Pageni icitango (circle), mushinguluke elyo mubike icipuna (umupando) pakati, elyo muleita balya baleipusha ifyakupepelapo baleisa umo umo no kwakanyako ibumba ifyo baleipusha. E lyo mushinguluke uyo muntu no kwipusha abantu babili nangu batatu ukupepela pa bukabilo bwakwe ubwashikimana no kulomba amalayo ya kwa Lesa.

Akanyeni ibumba pabili. Leken i bumba lya banakashi bapepele mu muputule umo (ne ntungulushi yanakashi inabo) na baume na bo mu muputule umbi (ne ntungulushi yaume inabo). Ifya kukabila fya muntu no muntu fimo tekuti fishimikwe kuli onse. Cilanguka ukushimika ku o mwaba nankwe cimo (Umwauume ku mwaume, umwanakashi ku mwanakashi).

Panuma ya kubwelela pamo bonse, **pepeleni pa fya kukabila kwa bantu mwikala nabo ne cilonganino.** E lyo kabili ne nshita ya kupepelako **Ukwipusha kwa cilonganino mu calo conse** (ifyatantikwa mwi pepala lyaibēla mu fisambililo fya Nshiku Ikumi isha Mpepo). Mwiymfwa kwati mufwile ukupita mu fyatantikwa fyonse. Limbi kuti mwayakanikana mu tumabumba tunōno elyo mwayakanya pa fitantikwe ifyo cile bumba bengapepelapo.

Pepeleni balya bantu basano ukufika kuli cineluba (5-7) abo mupepelako mu nshiku ikumi shonse ishi.

Saleni iciputulwa ca malembo mu Cipingo no kupepela mu cebo ico.

Isalileni inshita ya kupepa ne ciputulwa na cimbi ica kulumbanya no kutōtela.